



**NATZIONALE SARDA DE BÒCIA**  
SARDINIAN NATIONAL FOOTBALL TEAM

# Fortza Paris!

Autore: *Mario Puddu*

Una gente una limba una terra  
In is séculos tenta a cadenas,  
Irdorruta de ungas angenas  
Bogat cara a su mundhu avilida.

Pesa! E bae in sa lughe a sa vida,  
O Nazione de numen Sardigna:  
Beridade prus santa e prus digna  
Est chi líbbera sigas e sias!

Fortza paris e totus unios  
De is Sardos sa mente e is coros:  
Sa bandhera de is Bator Moros  
Est s'idea, sa lughe, sa ghia!

Fortza paris...

O Sardigna donosa e galana,  
Pinzellada de manu divina,  
A giardinu ti peses de istima  
Cun is Pópulos totu in sa paghe!

Chi si cumprat de s'Umanidade  
Cudh'ispera de méngius destinu  
Totu paris faendho camminu,  
No prus gente cracada, oprimios!

Fortza paris e totus unios  
De is Sardos sa mente e is coros:  
Sa bandhera de is Bator Moros  
Est s'idea, sa lughe, sa ghia!



**FINS - FEDERAZIONE ISPORT NATZIONALE SARDO**

**FINS-SARDIGNA.NET · INFO@FINS-SARDIGNA.NET · NATZIONALESARDA@FINS-SARDIGNA.NET · +39 351 870 3724**

VIA SU RIEDDU, 11 - 09030 - PABILLONIS (SU) - SARDIGNA | C.F./VAT NUMBER 91022560923



**NATZIONALE SARDA DE BÒCIA**  
SARDINIAN NATIONAL FOOTBALL TEAM

Fortza paris...

Cantos Sardos gherrandho sunt mortos  
Po onorare sa Pàtria nadia  
Torrent bios un'àtera bia  
Po si giare virtudes d'eroe!

Fae crèschere, o Sardu de oe,  
Cudhu semen de frades tesanos:  
Su destinu est iscritu in is manos  
Si dhu'at bonu sentidu in is coros!

Fortza paris e totus unios  
De is Sardos sa mente e is coros:  
Sa bandhera de is Bator Moros  
Est s'idea, sa lughe, sa ghia!

Fortza Sardos e totus unios  
Cun sa mente e su coro a s'insigna!  
Fortza paris, Nazione Sardigna,  
Po chi líbbera sigas e sias!



**FINS - FEDERAZIONE ISPORT NATZIONALE SARDU**

**FINS-SARDIGNA.NET • INFO@FINS-SARDIGNA.NET • NATZIONALESARDA@FINS-SARDIGNA.NET • +39 351 870 3724**

VIA SU RIEDDU, 11 - 09030 - PABILLONIS (SU) - SARDIGNA | C.F./VAT NUMBER 91022560923